

## **Dedh War'n Tredh**

Yma Peder war'n tredh.

Ogas dhe Peder yma Lowena

Lowena yw whor Peder

Adhelergh Peder ha Lowena, ow esedha war'n carrek yma Morwenna.

Morwenna mabm Peder ha Lowena yw hy.

Tomas yma ev tas Peder ha Lowena, pebor yw ev, ha ow lafurya yw ev hedhyw. Ev na yll dos dhe'n treth gansans y soweth. Tomas a garsa dedh war'n treth inwedh.

Peder ha Lowena a wrug vysytya y popty i'n dre ganso de, ha gans aga mabm, rag tersednow ragsons y dhe dhebry war'n treth hedhyw. War Stret Marhas yma an popty, ogas dhe'n scol Peder, hag ev a wra kerdhes dhe'n scol gans y tas in myttyn dres an seythen scol.

An flehes a garsa tersednow dhe dhebry war'n treth.

Ow esedha ogas Peder ha Lowena yma Harry.

Harry an ky teylu yw ev.

Ky bras yw ev, du ha gwydn gans udn lagas glas hag udn lagas gwer, saw tabm coth yw ev lebmy, mes yn yehes da.

Harry a garsa ow ponya gans Peder war'n treth pan ev a yll, ha gwary gans pel Peder.

Peder a garsa ow quary pel droos war De Sadorn pub seythen gans y scol.

Lowena yw moy yonk ages Peder, mes hy a garsa dhe ponya ha gwary gans Peder ha Harry pan hy a yll.

Dheworth hy carrek, Morwenna a wra meres orth Peder, Lowena ha Harry ow quary war'n treth, hy na vydn ynsy mos ryb an mor, drefen an mordarth yw bras hedhyw.

An dhargen o drog de, gans gwyns ha glaw, mes an gewer yw da hedhyw, tobm ha howlek. Morwenna yw lowen an gewer yw da hedhyw, drefen nag ymowns y oll i'n chy dedh oll. Dedh da in hav yw hy hedhyw. Termyn marthys yw dhe vysytya an treth.

Lebmy an flehes ha Harry, ymowns y ow esedha adro Morwenna, an flehes ynsy ow tebry aga tersednow hag owth eva gwedren a dowr yeyn. Harry yw ev ow tebry y byskyttys hag owth eva dowr dhewarth y bolla inwedh. Yma ev in dadn glawlen Morwenna, tobm yw ev. Re meur howlek na wra da rag keun.

**“Gwrewgh eva agas dower flehes” Morwenna a wra leveral hy flehes “fest tobm yw hedhyw”.**

**Lowena a wra meres orth an gwylanas ow neyja i’n ebron a-ugh dhe’n treth hag an mor.**

**Lowena a garsa an gwylanas, mes hy na wra y garsa pan y a wra debry hy tesen. Gwell yw dhethy sensy hy tesen ogas!**

**“Gwra meres enna Peder, an scath ow golya dres an bay, ow mos yn uskys yw hy”**

**“Me a yll hy gweles mabm, fest uskys yw hy, me a vydn golya pan moy coth of vy”.**

**“Martesen Peder, udn dedh, gans dha tas”**

**Adro an treth yw alsyow uhel, gans udn fordh, coffyva ha park kerry bian. An kyttryn a wra dos dhe’n treth tergweyth i’n dedh rag an havysy. Dhyrag an als yma golowjy bras war carrek i’n mor.**

**“An golowjy yw bras mabm”**

**“Yw Peder, bras yw”**

**“Te a yll gweles an golow dheworth an golowjy rag lies mildir”**

**“Me a yll gweles an golow dheworth ow fenester dres an nos, golow gwydn yw, eus tus war’n gollowjy?”**

**“Nag eus, nys eus tus enna lebmyn, nag ymowns y enna rag termyn hir”**

**“Dha tas gwydn, ev a wrug lafurya in golowjy rag termyn cot. Ev a wra derivas dhis adro y bewnans enna, pan ny a wra vysytya ganso arta”**

**“Hen a vedh da, mabm”**

**Peder a wra gweles y cothmans ow quarry pel droos warn treth dhyrag an coffyva.**

**“A allaf vy gwarry pel droos gansans y Mabm?”**

**“Usons y cothmans dhis?”**

**“Usons, ymowns y cothmans dhybm in scol”**

**“Gylta, te a yll rag termyn cot, res yw dhen ny mos tre ha metya gans dha tas kens termyn hir”. Ny a vedh ow tebry warbarth gordhuwher ma.**

**“Yn ta, dha weles yn scon”**

**“Gwra bos da Peder, me a vedh ow meras”**

**“Yn wir me a wra”**

**Lowena a wra redya hy lyver noweth lebmyn, gans Harry ow cuska ryb hy**

**“Jack and Gill a wrug mos in ban an bre kerhes an kelorn a dowr”**

**“Tabm moy cosel mar pleg Lowena, me a vydn goslowes orth an radyo ha ow meres orth dha broder”**

**“Me a yll gwil hedna mabm”**

**“Meuras ow herensa”.**

**An havsya, ymowns y kerdhes ahes an als warbarth bo esedha ha clappya, debry bo eva, havsya erel vysytya an coffyva hag esedha enna in an howl, bo esedha bo kerdhes war’n treth.**

**Lies havias a wra vysytya an treth hag an coffyva in hav, mes an fordh yw leun yn fenowgh, soweth. Morwenna hag y dheylu usya an kyttryn, pan y a yll.**

**Morwenna a garsa ow goslowes orth an radyo rag an musyk ha keskows. Hy na wra goslowes orth sport bo polytek.**

**Peder ha Lowena a garsa Radyo Onen mes Morwenna a garsa Radyo Dew moya. Awosa udn eur, termyn yw mos tre ragthons y. In sagh Morwenna yw an radyo, gwedren, tabm boos ha dowr, lyver Lowena, pel Peder ha bolla Harry. Sagh Morwenna yw luen ha poos.**

**Peder a wra gwarry pel droos whath. Lowena a wra ponya dres an treth dhe derivas Peder yw termyn mos tre. Peder nyns yw ev lowen mes ev a wra kerdhes yn lent dres an treth. Nyns yw ev lowen mos.**

**“Gwra fystena Peder”**

**“A vydnowgh why dehen rew dheworth an coffyva kens an kyttryn dos flehes?”**

**“Mydnaf mabm, meuras”**

**“Ha ty Peder?”**

**“Mar pleg mabm, hedna a vedh teg!”**

**“Gwra dos genef, me a wra prena dehen rew ragowgh why”**

An coffyva yw bian gans bordys ha chairys aves gans poble ow tebry, owth eva ha ow clappya warbarth yn lowen. Yma fenester bian dhe prena dehen rew.

“Dohajeth da Mihal, fatla genes”

“Dedh da Morwenna, yn ta of vy meuras ta”

“Pana sort a dehen rew vydnowgh why debry flehes?”

“Dehen rew syvien mar pleg mabm”

“Ha te Lowena?”

“Syvien inwedh mar pleg mabm”

“Yn ta, dew dehen rew syvien mar pleg Mihal”

“Ha ragos ta Morwenna?”

“Me na vydn dehen rew hedhyw meuras Mihal, mes a allaf vy prena dewas owravel yeyn mar pleg, sehes of vy”

“Gylta, te a yll, bian bo bras?”

“Bian mar pleg”

“Omma yns y, dha dehen rew ha dewas owravel”

“Meuras Mihal, py pris yw rag an re ma?”

“Try peuns mar pleg”

“Omma yw try peuns ha meuras Mihal”

“Meuras ta Morwenna, dew genes flehes”

“Dew genes mihal, dha weles yn scon”

“An kyttryn yw ev ow tos flehes, dedh da o ev omma war’n treth, mes res yw dhyn ny mos lebmy, ny a wra kerdhes dhe’n kyttryn warbarth. Ny a wra dewheles omma arta yn scon”

“Hen yw da genen ny mabm”

“Grewgh fystyna flehes, an kyttryn yw omma!”

War'n kyttryn Lowena ow cuska yw hy gans Harry ryb hy treys, sqwith yw hy awosa dedh hir. Dre an viaj Morwenna ha Peder, y a wra clappya adro scol Peder hag an taclow y a yll gweles dheworth an kyttryn.

Lowen yw ev in scol gans lies cothman enna, ev a wra redya lies lyver istory ha sciens ha da yw ganso desky pub dedh. Morwenna yw fest lowen ganso rag hebma.

Awosa deg war ugans mynys an kyttryn a wra drehedhes in tre ha Lowena a wra dyfuna kens y a wra skydnys an kyttryn ha kerdhes tro popty tas. An popty yw deges lebmy'n ha Tomas ow gortos yw ev dhyrag an shoppa ragthans y. Lowen dhe weles y teylu arta yw ev.

Y a wra kerdhes tre warbarth hag an flehes a wra derivas dhodho adro aga dedh war'n treth.

